

(ciep banj daihngeih)

Seizneix, raeuz siengniemh Mauz Cwzdungh, Couh Wnhlaiz, Liuz Saugiz, Cuh Dwz, Dwng Siujbingz, Cinz Yinz dungzci daengj gwzminggyah banlaux, gyoengqde vih Cunghgoz gwzming, hwnjguh, gajjgwz, vih Cunghgoz Gungcanjdangj laebbaenz, gyamaenh, hwnghat guh'ok gung'yen hungloet, siengniemh gwzming senhleaz vutmingh vih laebbaenz, henhoh, hwnjguh Cunghgoz moq haenx, siengniemh gwzming senhleaz haenqrengz buekguh vih gajjgwz hailangh caeuq hwnjguh sevei cuji yendaiva haenx, siengniemh sojmiz bouxvunz gyaaz guekgya gaenhdaih doxdaeuj vih minzczu doglaeb caeuq beksingq gajfang buekguh haenx. Gyoengqde vih guekgya caeuq minzczu guh'ok goenglauz hungloet ciengxlwenx lumz mbouj ndaej! Cingsaenz sangndeiz gyoengqde beksingq ciengx-lwenx geiq youq ndawsim!

Beksingq dwg bouxcauh lizsij, dwg yinghyungz caencingq. Gou daiqbiuj Dangcunghyangh, coh daengx guek gyoengq gunghyinz, bouxgunnaz, boux rox saw rox sa, coh gak minzczu dangjbaiz caeuq bouxvunz mbouj miz dangjbaiz, gak beksingq donzdij, vunz gyaaz guek gak hangz gak nieb, coh bouxcijcan yinzminz gajfangginh, guenbing vujgingj budui, gungh'anhang gangingj caeuq bouxcijcan aendoih siufuengz gouqcoengh, coh daengxcungq boux-guhhong sevei cuji, coh gyoengq cwnzyenz doengjit cansen, naeuz gij gingqei sangndeiz! Caensim camnai beixnuengx Yangghangj Daegbied Hingzcwnngih, beixnuengx Aumwnz Daegbied Hingzcwnngih caeuq beixnuengx Daizvanh caeuq gyoengq gyaubauh! Caensim gyo'mbaij sojmiz gak guek beksingq nem baengzyoux caeuq Cunghgoz beksingq doxndeiz caemhyouq, gvansim caeuq haeujcoengh Cunghgoz gwzming, hwnjguh, gajjgwz saehnieb haenx!

Gyoengq dungzci, gyoengq baengzyoux!

Goeknduj ndaej ngaih, doekbyai souj hoj. Hag-aeu lizsij, ndaej rox hwngmied doxvuenh. Raeuz aeu yungh lizsij ciuq yienhsaed, muenghyawj daengzcog, Cunghgoz Gungcanjdangj buekguh bak bi yawj ndaej cingcu gaxgonq raeuz vihmaz guh ndaej baenz, loengh rox daengzcog raeuz baenzlawz cij laebdaeb guh ndaej baenz, baenzneix youq gwnz roen moq engqgya giendingh, engqgya gag geiqmaenh sawjmingh goeknduj, haicauh daengzcog gyaundeiz.

—Hag'aeu lizsij, haicauh daengzcog, itdingh genhciz Cunghgoz Gungcanjdangj giengienz lingjdauj. Banh ndeiz saeh Cunghgoz, youqgaenj dwg aendangj. 180 lai bi lizsij Cunghvaz Minzczu gaenhdaih doxdaeuj, 100 bi lizsij Cunghgoz Gungcanjdangj laebbaenz doxdaeuj, 70 lai bi lizsij Cunghvaz Yinzminz Gunghozgoz laebbaenz doxdaeuj cungj cungfaen gangmingz, mbouj miz Cunghgoz Gungcanjdangj, couh mbouj miz Cunghgoz moq, couh mbouj miz Cunghvaz Minzczu fukhwng hungmbwk. Lizsij caeuq beksingq senj le Cunghgoz Gungcanjdangj. Cunghgoz Gungcanjdangj lingjdauj dwg gij dwzcwngh cei bonjcaet sevei cuji miz daegsaek Cunghgoz, dwg giindeiz cei hung aen cidu sevei cuji miz daegsaek Cunghgoz, dwg diegyouq goekgaen, minghmeg aendangj caeuq guekgya, dwg gvendaengz leih'ik, minghyinh daengx guek beksingq.

Gwnz roen moq, raeuz itdingh genhciz aendangj cienzmienh lingjdauj, mboujduenh laebndeiz aendangj lingjdauj, gyagiengz "seiq aen yisiz", giendingh "seiq aen gagsaenq", guh daengz "song aen henhoh", geiqmaenh "gij hung guekgya", mboujduenh daezsang gij suijbingz gohyoz gaemgienz, minzczu gaemgienz, ciuqfap gaemgienz,

cungfaen fatok gij cozyung lingjdauj haedsim aendangj guenj cienzbuenz, hezdiuz gak dieg.

—Hag'aeu lizsij, haicauh daengzcog, itdingh doxgiet daiqlingx Cunghgoz beksingq mboujduenh vih ndwenngoengz gyaundeiz buekguh. Gyanghsanh couhdwg beksingq, beksingq couhdwg gyanghsanh, dwk gyanghsanh, souj gyanghsanh, dwg souj sim beksingq. Cunghgoz Gungcanjdangj goekdae youq beksingq, lwed meg youq beksingq, rengz youq beksingq. Cunghgoz Gungcanjdangj itloh daiqbiuj gaenbonj leih'ik gyoengq beksingq, caeuq beksingq ndeiz rwix doxgven, dai lix doxbaengh, mbouj miz leih'ik daegbied saek loh duh bonjfaenh, coengzlaiz mbouj daiqbiuj gij leih'ik saek aen cizdonz leih'ik, saek aen donzdij gienzseiq, saek aen gaihcnwngz dwzgenz. Sojmiz naemj hawj Cunghgoz Gungcanjdangj caeuq Cunghgoz beksingq mbek hai, doiqdingh hwnjdaej, cungj haengjdingh guh mbouj ndaej! 9500 lai fanh vunz Cunghgoz Gungcanjdangj mbouj dapwngq! 14 ik lai Cunghgoz beksingq hix mbouj dapwngq!

Gwnz roen moq, raeuz itdingh gaenjdaet ingbaengh beksingq cauh lizsij, genhciz gij gaenbonj cunghcij cienz sim cienz ei fugsah beksingq, ndwn maenh beksingq lizcangz, gvancez lohsienq vunz lai aendangj, aeueiq cingsaenz cauhanduj beksingq, hengzguh gij swhsienq hwnghat aeu beksingq guh cunghsim, hwnghat daengx gocwngz beksingq minzczu, henhoh sevei goengbingz leixcingq, haenqrengz gajgez aen vwndiz hwnghat mbouj doxbingz caeuq aen vwndiz beksingq vunz lai gip hoj you muengh, doidoengh vunz cienzmienh hwnghat, daengxcungq beksingq caezcaemh baenzmiz aeundaez cingzeik caen yienhda!

—Hag'aeu lizsij, haicauh daengzcog, itdingh laebdaeb doinyoengx Majgwzsw Cuji miz daegsaek Cunghgoz. Majgwzsw Cuji dwg gij gaenbonj cijdauj swhsienq raeuz laeb aendangj laeb guekgya, dwg gij hoenz caeuq mbawgeiz aendangj raeuz. Cunghgoz Gungcanjdangj genhciz Majgwzsw Cuji gihbwnj yenzlij, genhciz gangj gouz saedsaeh, daj Cunghgoz saedsaeh haidin, yawj seizdaih hingzseiq, gaemdawz lizsij cawjdoengh, sinhoj bae damqra, mboujduenh doinyoengx Majgwzsw Cuji miz daegsaek Cunghgoz miz daegsaek seizdaih, cijdauj Cunghgoz beksingq mboujduenh doinyoengx sevei gwzming hungmbwk. Cunghgoz Gungcanjdangj vihmaz baenz, sevei cuji miz daegsaek Cunghgoz vihmaz ndeiz, gyoebgyonj daengzdae dwg aenvih Majgwzsw Cuji baenz!

Gwnz roen moq, raeuz itdingh genhciz Majgwzsw Lezingz Cuji, Mauz Cwzdungh Swhsienq, Dwng Siujbingz Lijlun, "Sam Aen Daiqbiuj" Swhsienq Youqgaenj, Gohyoz Fazcanj-gvanh, cienzmienh gvancez Gij Swhsienq Sevei Cuji Miz Daegsaek Cunghgoz Seizdaih Moq, genhciz aeu Majgwzsw Cuji gihbwnj yenzlij caeuq gij saedsaeh Cunghgoz dox giethab, caeuq gij vwnzva cienzdoengj maenhndeiz Cunghgoz dox giethab, yungh Majgwzsw Cuji cazyawj seizdaih, gaemhdawz seizdaih, yinxlingx seizdaih, laebdaeb hwnghat Majgwzsw Cuji Cunghgoz daihneix, Majgwzsw Cuji 21 sijgi!

—Hag'aeu lizsij, haicauh daengzcog, itdingh genhciz caeuq hwnghat sevei cuji miz daegsaek Cunghgoz. Byaij roen bonjfaenh, dwg cienzbouh lij ljun caeuq gizlaebdin saedguh aendangj, engq dwg gij lizsij gezlun aendangj buekguh bak bi ndaej okdaeuj. Sevei cuji miz daegsaek Cunghgoz dwg gij cingzeik gaenbonj aendangj caeuq beksingq ginggvaq haujlai haemzhoj, hai ok haujlai goeng-rengz cij aeundaez, dwg diuzroen deng saedyienh Cunghvaz Minzczu fukhwng hungmbwk. Raeuz

genhciz caeuq hwnghat sevei cuji miz daegsaek Cunghgoz, doinyoengx vuzciz vwnzmingz, cwngei vwnzmingz, sevei vwnzmingz, swnghdai vwnzmingz hezdiuz hwnghat, cauh le diuz roen moq daihneix miz daegsaek Cunghgoz, cauh le yiengh moq vunzloih vwnzmingz.

Gwnz roen moq, raeuz itdingh genhciz gihbwnj lij ljun, gihbwnj lohsienq, gihbwnj fanghloz aendangj, dungjcouz doinyoengx "haj vih it daej" cungjdae baijbouh, hezdiuz doinyoengx "seiq aen cienzmienh" canloz baijbouh, cienzmienh haeujlaeg gajjgwz hailangh, laebdin duenh hwnghat moq, laebndeiz, cinjdeng, cienzmienh gvancez leixniemh hwnghat moq, cauhaeb gwzgiz hwnghat moq, doidoengh hwnghat ndaej youh ndeiz youh vaiq, doinyoengx gohgi gaglaeb gaggiengz, baujcingq beksingq danggya guh cawj, genhciz ciuqfap guenj guek, genhciz sevei cuji haedsim gyaciz diji, genhciz youq mwh hwnghat baujcan caeuq gajndeiz ndwenngoengz beksingq, genhciz vunz caeuq sw-yienz huzndeiz caemhyouq, dox boiqhab doinyoengx beksingq baenzmiz, guekgya hwnghoengh, Cunghgoz gyaundeiz.

Cunghvaz Minzczu miz gij vwnzmingz ronghsag 5000 lai bi lizsij hwnghat ndawde baenz haenx, Cunghgoz Gungcanjdangj miz gij gingniemh buekguh bak bi caeuq 70 lai bi gaemgienz hwnghat guek, raeuz gaenmaenx hag'aeu sojmiz cingzgoj mizik vunzloih vwnzmingz, ciepsouh sojmiz genyi mizik caeuq baebingz simndeiz, hoeng raeuz mbouj ciepsouh gij vah gangj sam gangj seiq! Cunghgoz Gungcanjdangj caeuq Cunghgoz beksingq yaek youq diuzroen gag senj haenx ngienxgyaeuj yamq hung byaij baenaj, aeu diuzmingh hwnghat cinbu Cunghgoz gaemdawz youq ndaw fwngz bonjfaenh maenhmaenh bae!

—Hag'aeu lizsij, haicauh daengzcog, itdingh gyavaij guekfuengz caeuq bingdoih yendaiva. Giengz guek itdingh giengz bingdoih, bingdoih giengz cijndaez guekgya an'onj. Genhciz aendangj ceijbaij cungq, hwnjguh bingdoih beksingq bonjfaenh, dwg gij caenleix maenhdaed aendangj youq ndaw doxdaeuj doxhoenx ndaej okdaeuj. Bingdoih beksingq vih aendangj caeuq beksingq laeb le gij goenglauz mbouj nduk, dwg diuz saeurin maenhdwtdwt henhoh gyanghsanh saekhoengz, henhoh gij viyiemz minzczu, hix dwg gij rengz hung'ak henhoh gizdieg caeuq seiqgyaiq doxhuz.

Gwnz roen moq, raeuz itdingh cienzmienh gvancez gij swhsienq giengz bingdoih aendangj seizdaih moq, gvancez canloz fuengcim ginhsw seizdaih moq, genhciz aendangj vanzcienz lingjdauj bingdoih beksingq, genhciz byaij diuzroen bingdoih giengz miz daegsaek Cunghgoz, cienzmienh doinyoengx cwngei laeb bingdoih, gajjgwz giengz bingdoih, gohgi giengz bingdoih, vunzcaiz giengz bingdoih, ciuqfap guenj bingdoih, aeu bingdoih beksingq hwnjguh baenz bingdoih seiqgyaiq okmingz, yungh naengzlig engq hung'ak, fuengfap engq baenghndaez henhoh guekgya cujgenz, ancienz, hwnghat leih'ik!

—Hag'aeu lizsij, haicauh daengzcog, itdingh mboujduenh doidoengh cauhaeb aen minghyinh caezcaemh vunzloih. Doxndeiz, doxhuz, doxngamj dwg gij leixniemh Cunghvaz Minzczu 5000 lai bi doxdaeuj itloh gyaepgouz caeuq swnjcienz, ndaw lwed Cunghvaz Minzczu mbouj miz gij goekrag ciemq bouxwnq, guhvuengz guhyak. Cunghgoz Gungcanjdangj haeujsim minghyinh roennaj vunzloih, caeuq sojmiz gij rengz cinbu gwnz seiqgyaiq dazfwngz baenaj, Cunghgoz itloh dwg bouxhwnjguh seiqgyaiq doxhuz, bouxokrengz hwnghat daengx lajmbwn, bouxhenhoh cizsi gozci!

(*cienj banj daihseiq*)